

Poziv za sudjelovanje u procesu zajedničkog definisanja "Vizije 2050" Grada Živinice

Poštovani,

S ponosom Vas obavještavamo da je naš Grad jedna od četiri partnerske jedinice lokalne samouprave iz regiona bogatih ugljem Projekta "**Održiva tranzicija Bosne i Hercegovine – Podrška tranziciji regiona bogatih ugljem**" (BiH SuTra), finansiranog od strane Švedske agencije za međunarodni razvoj i saradnju (Sida) i implementiranog od strane Štokholmskog instituta za okoliš - SEI u bliskoj saradnji sa Sektorom za energetiku Ministarstva vanjske trgovine i ekonomskih odnosa Bosne i Hercegovine (BiH). Ovaj projekat ima za glavni cilj doprinos održivoj tranziciji BiH, što će se postići kroz izradu i primjenu efektivnih mjera i regulativa za lokalnu tranziciju, doprinoseći boljim uslovima života građana u četiri partnerske jedinice lokalne samouprave. Ključne aktivnosti projekta podrazumijevaju:

1. definisanje puteva održive tranzicije,
2. razvoj plana tranzicije jedinice lokalne samouprave,
3. omogućavanje tranzicijskih procesa, i
4. podršku učenju i razmjeni znanja.

Održiva tranzicija je proces transformacije ka održivom društvu, koji se bavi rješavanjem niza okolišnih problema kao što su klimatske promjene, zagađenje, poljoprivreda, priroda, kružna ekonomija i energija. Ovaj proces uključuje industrijska i tehnološka rješenja, kao i promjene u društvenom i individualnom ponašanju i sistemima finansiranja.

U okviru prve aktivnosti "Definisanje puteva održive tranzicije", otpočele su aktivnosti na početnoj procjeni situacije u odabranim jedinicama lokalne samouprave te **proces definisanja "Vizije 2050"**. Ova vizija treba da odražava težnju da stvori prepoznatljivu, razvijenu i inovativnu lokalnu zajednicu koja će građanima omogućiti prosperitetno okruženje, održiv razvoj, zaštićenu okolinu, jednakost i napredak, te kontinuirano stremi ka pravednoj budućnosti. Proces izrade "Vizije 2050" također ima nekoliko važnih metodoloških koraka, kako slijedi:

1. generisanje početne generalne vizije,
2. sprovođenje ankete uz anketni upitnik,
3. održavanje događaja - Foruma za zajedničko definisanje "Vizije 2050" za poticanje dijaloga i prikupljanje ulaza za nadogradnju početne vizije,
4. nadogradnja vizije na osnovu prikupljenih informacija,
5. objava ažurirane vizije na web stranici jedinice lokalne samouprave za javne komentare, te na kraju
6. finalizacija vizije.



Za Vašu referencu početni generalni prijedlog "Vizije 2050" je:

"Prepoznatljiva, razvijena i inovativna lokalna zajednica koja napredak bazira na održivoj tranziciji. Lokalna zajednica koja građanima omogućava prosperitetno okruženje, održiv razvoj, zaštićenu okolinu, jednakost i napredak, te kontinuirano stremi ka pravедnoj budućnosti."

Ovim putem Vas sa zadovoljstvom pozivamo da se pridružite procesu definisanja "Vizije 2050" u bilo kojem koraku za koji smatrate da Vam odgovara tj. kojeg preferirate.

Sve informacije će biti pravovremeno dostupne i redovno ažurirane na web stranici Grada Živinice.

Unaprijed Vam zahvaljujemo na interesu za sudjelovanje u ovom značajnom događaju za našu budućnost!

Ukoliko su Vam potrebne dodatne informacije, molimo da kontaktirate projektno osoblje na e.mail adresu: alija.n@gradzivinice.ba, +38735743367 ili ema.midzic@esap.ba, +38762779436.

S poštovanjem,



Gradonačelnik
sc. Began Muhić

